



Tilleggsinnkalling Formannskapet

Møtedato: 22.11.2018
Møtested: Møterom - Børilden
Møtetid: 09:00

Forfall skal meldast til Servicekontoret t. 56162000/post@austrheim.kommune.no
Varamedlem møter berre etter nærare innkalling

Saksliste

Saksnr	Tittel
104/18	Justering av festeavgiftene
105/18	Skisseprosjekt - Frittstående tilbygg Austrheim kyrkje

Dato 15.11.2018

Per Lerøy
ordfører

Ketil Tjore
møtesekretær

Sakspapir

Saksnr	Utvalg	Type	Dato
104/18	Formannskapet	PS	22.11.2018
	Kommunestyret	PS	

Saksbehandler	Arkiv	ArkivsakID
Olav Mongstad	FA - D41	18/829

Justering av festeavgiftene

Vedlegg:

Vedtak soknerådet om festeavgifter 2019

Framlegg til vedtak:

Austrheim kommunestyre godkjenner justering av festeavgiftene, som vert gjort gjeldande frå og med 01.01.2019

- *Friperiode: 25 år*
- *Festeavgiftene vert kravd inn i bolkar på inntil 5 år*
- *1. – 4. festeperiode kr 300,- pr år (26 – 45 år)*
- *5. – 8. festeperiode kr 500,- pr år (46 – 65 år)*
- *9.- 10. festeperiode kr 600,- pr år (66 – 75 år)*
- *Gravstad over 75 år kr 850,- pr år. Gravstader på 75 år skal vanlegvis slettast. Feste kan likevel forlengast etter skriftleg grunngjeven søknad.*
- *For barnegrav vert det kravd ½ festeavgift.*
- *Festeavgift for dobbeltgrav (reservasjon av kistegrav) kostar kr 3.000 pr grav og gjeld for 10 år. Ved behov for ytterlegare forlenging av reservasjonstida, skjer dette i 5-års bolkar, med årleg kostnad tilsvarende 1. – 4. festeperiode.(300 kr. pr år)*
- *Festeavgift for urnegraver er til ei kvar tid 50 % av kostnaden for kistegraver.*

Saksopplysninger:

Bakgrunn

Austrheim kommune justerte festeavgiftene sist frå 1. januar 2016. Soknerådet har kome med framlegg om å justere avgiftene igjen frå 1. januar 2019.

Grunnlaget for å krevje inn festeavgift er heimla i gravferdslova, den nasjonale gravferdsforskrifta samt dei lokale gravferdsvedtektene. Det er kommunestyret som fastset dei lokale avgiftene. Det er

bispedømmerådet som fastset dei lokale gravferdsforskriftene.

Vurdering

Kyrkjevergen og soknerådet meiner at satsane i Austrheim treng oppjustering fordi dei er lågare enn i samanliknbare kommunar. Kyrkjegardane i Austrheim blir godt stelte og dei inntekter festeavgiftene gjev, er med å finansierar kyrkjegardsarbeidaren.

Gravene i Austrheim er digitaliserte i eit lokalt register, slik at kyrkjevergen har god oversikt over desse. Ein held no på med å registrera dei siste gravene på kyrkjeflaten.

Etter vedtektene er det ein friperiode på 25 år etter gravlegginga, før ein må betale festeavgift. Dette er lenger enn i ein del andre kommunar. Grunngevinga har vore at jordforholda med innslag av leire gjev lenger nedbrytingstid. I denne 25 års-perioden kan ein ikkje gjenbruka ei grav, berre setje ned ei urne.

Etter 25-årsperioden er periodane sett opp med 10 års bolkar, der prisen endrar seg kvart 20. år, opptil 75 år.

Dagens avgifter er:

- 200 kr året frå år 26 – 45
- 400 kr året frå år 46 – 65
- 500 kr året frå år 66 – 75
- Ev festeavgift ut over 75 år: kr 750 i året.
- Barnegraver: ½ festeavgift
- Urnegraver: Ingen skilnad i forhold til kistegraver.

Gjeldande prinsipp i fastsetjing av festeavgifter er at ein betalar mindre i første del av festeløpet og meir i den siste delen.

Dei som ønskjer å **reservera** ei grav, må betala festeavgift frå første dag. Dette skjer vanlegvis der gjenlevande ektefelle ønskjer å bli gravlagt ved sida av sin avdøde ektefelle. Denne reservasjonen kostar etter gjeldande ordning kr 2000,- og gjeld for ein periode på 10 år. Det har tidlegare vore vanskeleg å følgja opp dei som har reservert gravplass, i dei tilfella der enka eller enkemannen lever lengre enn reservasjonstida. Dette vert lettare no når gravminna er digitaliserte.

Det er ulik praksis i andre fellesråd korleis festeavgift i form av reservasjon av gravstader vert praktisert. Nokre fellesråd krev avgift for 20 år som ein eingongssum. For fellesråda i Lindås, Radøy og Meland utgjer dette etter dagens satsar ein eingongssum på kr 8000,-. Denne må betalast uavhengig om den reserverte gravstaden vert tatt i bruk før 20 år har gått eller ikkje. Andre fellesråd har fastsett kor mange år ein reserverer ein gravstad for, enten 5 eller 10 år. Erfaring syner at pårørande som på eit tidspunkt har reservert ein gravstad, av ulike årsaker kan koma fram til at det ikkje er ønskeleg å reservera denne gravstaden lengre. Då kan det vera ei grei ordning at reservasjonstida er tidsavgrensa.

Festeavgifter andre stader:

Kyrkjevergen har sjekka ut prisane i ein del andre kommunar. Fellesråda i Radøy, Lindås og Meland har samkøyrt sine festeavgifter med verknad frå og med 1.januar 2017. Dette er dei mest nærliggjande fellesråda å samanlikna seg med. Desse fellesråda har også ein friperiode på 20 år, der

Austrheim sokn har 25 år. Deira avgifter ligg over Austrheim sokn sine avgifter:

- Kr 400 pr år mellom år 20 – 60
- Kr 800 pr år for graver eldre enn 60 år
- Reservering av grav: kr 8000
- Urnegrav kr 300 pr år. Festeavgifta vert krevd inn i 5 års bolkar.

Vidare har dei følgjande andre avgifter knytt til kyrkjegardsdrifta i Meland, Radøy og Lindås:

- Gravstellsavtale kr 1875 (Austrheim kr 1200)
- Montering av gravminne kr 1250 (Austrheim kr 450 pr time)
- Oppretting av gravminner kr 1250 (Austrheim kr 450 pr time)
- Leige av kyrkja for seremoni for

utanbygds kr 4.700 (Austrheim kr 3000)

- Utanbygds kistegravlegging utan

seremoni – kr 8.125 (Austrheim kr 4000)

- Utanbygds urnenedsetjing utan

seremoni – kr 3500 (Austrheim kr 2500)

Gravferdsforvaltninga i Fusa har innført følgjande satsar:

- Festeavgift: kr 500 i året i 5 års bolkar.
- Festeavgift for urnegrav kr 300 pr år i 5 års bolkar
- Reservasjon av grav – betalar for ein 20 års periode kr 8.000
- Utanbygds kistegrav – betalar for ein 20 års periode kr 10.000

Kapasiteten ved gravplassane i kommunen:

Gravferdslova (§ 2) slår fast at det til ei kvar tid skal vera ledige graver tilsvarende 3 % av befolkninga. Austrheim kommune oppfyller dette. Likevel er det stor skilnad på kapasiteten på gravplassen på Austrheim i forhold til Leirvågen.

Leirvåg gravplass har no god kapasitet og vil i forhold til nyanlegget ha rom for å kunna gravleggja med kistegraver dei neste 50 åra, med god margin.

Austrheim gravplass fyller opp forholdsvis raskt. Den nyaste delen av gravplassen har no ein restkapasitet på ca 260 graver. Med dagens frekvens på gravlegging, vil denne gravplassen vera heilt full om 11 år. Det vert difor starta ein prosess denne hausten for å prosjektera gjenbruk av det som vert kalla felt 2 på gravplassen. Dette feltet vil etter ombygging (med massetilførsel, drenering og oppbygging av murar), kunna få ein samla kapasitet på om lag 800 graver. Ein del av desse gravene vil vera eksisterande gravminner som skal setjast opp igjen. Ut frå den kjennskapen kyrkjevevja har til forholda i Austrheim, synest det vera lite formålstenleg å krevja at ein større del av gravleggingane bør vera på Leirvåg gravplass. Difor vert arbeidet med gjenbruk av felt 2 på Austrheim gravplass

starta opp så smått denne hausten.

Kistegraver skal vere minst 3 x 1,5 m. Viss ein har ei urnegrav, er dimensjonen minst 1,5 x 1,5 m. I ei slik urnegrav kan det setjast ned opptil 4 urner. Ein kan og setje ned ei urne i ei kistegrav sjølv om fredningstida på 25 år ikkje er ferdig.

Festeavgiftene som gjeld no, skil ikkje mellom avgifter for kistegraver og urnegraver. Som skrive over, krev urnegraver mindre areal enn kistegraver og dette bør føre til ein prisdifferanse. Soknerådet vil at av for festing av urnegraver skal prisen vere 50% av prisen for kistegraver fordi det forlenger brukstida for gravfeltet.

Kyrkjevergen grunngjev dette slik:

Noverande vedtekter har fastsett at ei grav som vert reservert ved sida av ei kistegrav skal festast for 10 år. Etter gjeldande satsar kostar dette kr 2000,-. Når nokon fellelsråd krev ei eingongsavgift for å reservera ei grav tilsvarande 20 år, har ein tenkt at dette er ein kompensasjon for å bandleggja eit areal like lenge som friperioden for den andre grava. For vår del kan vi ikkje bruka dette argumentet, sidan vår friperiode er på 25 år.

Det kan også argumenterast imot om det er rimeleg å krevja ein eingongssum tilsvarande festeavgift for 20 år. Kyrkjeverja er av den oppfatninga at dette ikkje er rimeleg og at summen ein krev ved reservasjon av kistegrav vert begrensa til 10 år og at ein legg til grunn den festeavgiftssatsen ein til ei kvar tid betalar etter friperioden på 25 år. Om den satsen vert sett til 300 kr i året, vil avgifta for ein reservasjonsperiode på 10 år då bli kr 3.000,-. Om festar ønskjer å reservera ei kistegrav utover desse 10 åra, kan ein fornya dette i 5 års bolkar.

Dermed kan ein krevja ein rimeleg sum for å bandleggja eit areal, uavhengig om den som har reservert grava ved sida av døyr før denne 10 års perioden er over eller ikkje. Tidsavgrensa reservasjon vil også fanga opp eventuelle endringar i behovet for å reservera areal. Det kan vera at livssituasjonen endrar seg av ulike årsaker. Dermed kan ein festar bestemma seg for at vidare reservasjon ikkje er aktuelt. På den måten får gravferdsforvaltninga tilgang til ei ny grav, som ikkje lengre er reservert.

På den andre sida bør ikkje reservasjonssummen bli sett for lågt heller. Kostnaden bør vera på eit slikt nivå at festar tek ei konkret vurdering på om han eller ho ønskjer å reservera ei grav eller ikkje. Kyrkjeverja ser ein tendens til at nokon av dei gjenlevande den seinare tida tenkjer at ein sjølv skal bli kremert når den tid kjem og at urna skal setjast ned i grava til den avdøydde ektefellen. Dermed er behovet ei enkeltgrav og ikkje ei dobbeltgrav. Ei slik utvikling vil vera positiv for gravferdsforvaltninga og føra til at arealpresset vert mindre.

Austrheim sokn har praktisert halv festeavgift for barnegraver. Kyrkjevergen ser ingen grunn til å endra denne praksisen.

Kyrkjevergen tilrår at avgifter for utanbygds gravlegging og urnenedsetjing kan regulerast neste år. Det same gjeld for gravstellsavtalane våre, som sist vart oppjustert frå og med 1.januar 2017.

Handsaming i soknerådet:

Vedtak:

Austrheim sokneråd godkjenner justering av festeavgiftene og tilrår at følgjande endringar vert vedtekne av Austrheim kommunestyre og vert gjort gjeldande frå og med 01.01.2019

- Friperiode: 25 år
- Festeavgiftene vert kravd inn i bolkar på inntil 5 år
- 1. – 4. festeperiode kr 300,- pr år (26 – 45 år)
- 5. – 8. festeperiode kr 500,- pr år (46 – 65 år)
- 9.- 10. festeperiode kr 600,- pr år (66 – 75 år)
- Gravstad over 75 år kr 850,- pr år. Gravstader på 75 år skal vanlegvis slettast. Feste kan likevel forlengast etter skriftleg grunngjeven søknad.
- For barnegrav vert det kravd ½ festeavgift.
- Festeavgift for dobbeltgrav (reservasjon av kistegrav) kostar kr 3000 pr grav og gjeld for 10 år. Ved behov for ytterlegare forlenging av reservasjonstida, skjer dette i 5 –års bolkar, med årleg kostnad tilsvarande 1. – 4. festeperiode.
- Festeavgift for urnegraver er til ei kvar tid 50 % av kostnaden for kistegraver.

Konklusjon:

Rådmannen tilrår at kommunestyret stadfestar forslaget frå soknerådet.

Austrheim kommunestyre godkjenner justering av festeavgiftene vert gjort gjeldande frå og med 01.01.2019

- Friperiode: 25 år
- Festeavgiftene vert kravd inn i bolkar på inntil 5 år
- 1. – 4. festeperiode kr 300,- pr år (26 – 45 år)
- 5. – 8. festeperiode kr 500,- pr år (46 – 65 år)
- 9.- 10. festeperiode kr 600,- pr år (66 – 75 år)
- Gravstad over 75 år kr 850,- pr år. Gravstader på 75 år skal vanlegvis slettast. Feste kan likevel forlengast etter skriftleg grunngjeven søknad.
- For barnegrav vert det kravd ½ festeavgift.
- Festeavgift for dobbeltgrav (reservasjon av kistegrav) kostar kr 3.000 pr grav og gjeld for 10 år. Ved behov for ytterlegare forlenging av reservasjonstida, skjer dette i 5 –års bolkar, med årleg kostnad tilsvarande 1. – 4. festeperiode.(300 kr. pr år)
- Festeavgift for urnegraver er til ei kvar tid 50 % av kostnaden for kistegraver.

MØTEBOK - TITTELARK

FELLESRÅDSSAKER

Førehaving av:
Austrheim sokneråd

Møtestad:
Kyrkjelydshuset

Møtedato:
25.10.2018

F – 24/18 JUSTERING AV FESTEAVGIFTENE

Framlegg til vedtak:

Austrheim sokneråd godkjenner justering av festeavgiftene og tilrår at følgjande endringar vert vedtekne av Austrheim kommunestyre og vert gjort gjeldande frå og med 01.01.2019

- *Friperiode: 25 år*
- *Festeavgiftene vert kravd inn i bolkar på inntil 5 år*
- *1. – 4. festeperiode kr 300,- pr år (26 – 45 år)*
- *5. – 8. festeperiode kr 500,- pr år (46 – 65 år)*
- *9.- 10. festeperiode kr 600,- pr år (66 – 75 år)*
- *Gravstad over 75 år kr 850,- pr år. Gravstader på 75 år skal vanlegvis slettast. Feste kan likevel forlengast etter skriftleg grunngjeven søknad.*
- *For barnegrav vert det kravd ½ festeavgift.*
- *Festeavgift for dobbeltgrav (reservasjon av kistegrav) kostar kr 3000 pr grav og gjeld for 10 år. Ved behov for ytterlegare forlenging av reservasjonstida, skjer dette i 5 –års bolkar, med årleg kostnad tilsvarande 1. – 4. festeperiode.*
- *Festeavgift for urnegraver er til ei kvar tid 75% av kostnaden for kistegraver.*

Vedtak:

Austrheim sokneråd godkjenner justering av festeavgiftene og tilrår at følgjande endringar vert vedtekne av Austrheim kommunestyre og vert gjort gjeldande frå og med 01.01.2019

- *Friperiode: 25 år*
- *Festeavgiftene vert kravd inn i bolkar på inntil 5 år*
- *1. – 4. festeperiode kr 300,- pr år (26 – 45 år)*
- *5. – 8. festeperiode kr 500,- pr år (46 – 65 år)*

- *9.- 10. festeperiode kr 600,- pr år (66 – 75 år)*
- *Gravstad over 75 år kr 850,- pr år. Gravstader på 75 år skal vanlegvis slettast. Feste kan likevel forlengast etter skriftleg grunngjeven søknad.*
- *For barnegrav vert det kravd $\frac{1}{2}$ festeavgift.*
- *Festeavgift for dobbeltgrav (reservasjon av kistegrav) kostar kr 3000 pr grav og gjeld for 10 år. Ved behov for ytterlegare forlenging av reservasjonstida, skjer dette i 5 –års bolkar, med årleg kostnad tilsvarende 1. – 4. festeperiode.*
- *Festeavgift for urnegraver er til ei kvar tid 50 % av kostnaden for kistegraver.*

Sakspapir

Saksnr	Utvalg	Type	Dato
105/18	Formannskapet	PS	22.11.2018

Saksbehandler	Arkiv	ArkivsakID
Jan Olav Osen	FE - 223	18/782

Skisseprosjekt - Frittstående tilbygg Austrheim kyrkje

Vedlegg:

Søknad om midlar - skisseprosjekt frittstående tilbygg Austrheim kyrkje
Oversendingsmail

Framlegg til vedtak:

Austrheim formannskapet er positiv til å støtte eit skisseprosjekt for eit frittstående tilbygg til Austrheim kyrkje.
Tilskot med kr. 150.000,- vert innarbeida i økonomiplanen for 2020.

Saksopplysninger:

Bakgrunn

Austrheim Sokneråd søker Austrheim kommune om kr. 150.000,- til forprosjekt til eit frittstående tilbygg til Austrheim kyrkje.

Austrheim sokneråd gjorde 20/9-18 fylgjande samrøystes vedtak:

Austrheim sokneråd godkjenner forskottering av midlar til skisseprosjekt, for teikning av nytt sjølvstendig tilbygg til kyrkja, tilsaman kr 250.000,- + moms. Beløpet skal gå til dekning av arkitektutgifter.

Vedtaket heng saman med og er avhengig av at Austrheim kommune refunderer delar av dette beløpet, på minst 50%.

Midlane vert betalt ut frå ubunde disposisjonsfond.

Vedlagt er søknad om midlar til skisseprosjekt/pionerprosjekt for eit frittstående tilbygg til Austrheim kyrkje.

Vurdering

Dette er eit interessant prosjekt, men den økonomiske situasjonen tilseier at eventuelt tilskot til prosjektet på innarbeidast i økonomiplanen for 2020 då det akkumulerte underskotet er inndecka.

Konklusjon

Eg rår til fylgjande:

Austrheim formannskapet er positiv til å støtte eit skisseprosjekt for eit frittståande tilbygg til Austrheim kyrkje.

Tilskot med kr. 150.000,- vert innarbeida i økonomiplanen for 2020.



Austrheim sokn
5943 Austrheim
Tlf. 56 16 72 90

Austrheim Kommune

Austrheim 24.09.2018

Vår referanse: j.nr 44/18 – arkivnr 4.41.411

Søknad om midlar til skisseprosjekt Pionerprosjekt med frittstående tilbygg til Austrheim kyrkje

Austrheim Sokneråd har arbeid over fleire år med å få til eit tilbygg til Austrheim Kyrkje. Av ulike grunna har dette arbeidet alltid enda med nokre enkle sisser og høgtenking. I haust har soknerådet hatt dialog med ein verdskjend arkitekt som bur i Bergen. Han er svært interessert i å bidra i eit pionerprosjekt som dette.

Austrheim sokneråd gjorde 20/9-18 fylgjande samrøystes vedtak:

Austrheim sokneråd godkjenner forskottering av midlar til skisseprosjekt, for teikning av nytt sjølvstendig tilbygg til kyrkja, tilsaman kr 250.000,- + moms. Beløpet skal gå til dekning av arkitektutgifter.

Vedtaket heng saman med og er avhengig av at Austrheim kommune refunderer delar av dette beløpet, på minst 50%.

Midlane vert betalt ut frå ubunde disposisjonsfond.

Austrheim Sokneråd søker difor om at Austrheim kommune bidreg med kr. 150.000,- til dette forprosjektet.

MEIR OM BAKGRUNNEN:

Austrheim Sokn held i dag til i det som tidlegare var Austrheim skule. Denne er frå 1950-talet. Her har vi ein god avtale med kommunen om drift og vedlikehald av bygget.

Kommunen har ansvar for alt det utvendige i bygget, medan Soknet har ansvar for vedlikehaldet innvendig, i tillegg til driftsutgifter med bygget.

Bygget er gammalt, og etter dagens krav, lite formålstenleg til det omfattande arbeidet Austrheim sokn driv. Bygget tilfredstiller heller ikkje krav til universell utforming. Kostnader for oppgradering til universell tilkomst vil vera betydeleg.

Soknerådet ser for seg at på sikt vert kontora flytta til t.d. Mastrevik Torg eller andre sentrale plassar der ein er nærare «folket» i Austrheim. Då vil det fungere bra med eit nytt lokale nærare kyrkja som kan tena mange funksjonar, både for arbeidet i kyrkjelyden og av heilt andre grupperingar.

Arkitekt

Det har vore ein del aktivitet i denne saka frå sommaren av og utover. Soknerådsleiar har fått kontakt med ein kjend arkitekt, som ønskjer å bidra med eit skisseprosjekt. Soknerådsleiar og plan/bygningssjef har hatt møte med arkitekten og drøfta ulike løysingar. Bygg som er teikna av denne arkitekten vil ha ein attraksjonsverdi i seg sjølv. Kostnad for eit skisseprosjekt kjem på kr 250.000,- kroner pluss moms.

Frittstående bygg eller påbygg?

Framlegg om ulike løysingar for tilbygg til kyrkja har hatt ei lang historie i soknet. Til dømes har ein sett på teikningar om tilbygg med garderobeløysingar frå 1980. Ingenting av dette er er til no blitt realisert.

Eitt av argumenta for kvifor, er at kostnaden har vore høg sett i forhold til kva ein får igjen for pengane.

Arkitekten ein no har kontakt med foreslår at det vert bygd eit frittstående bygg, i nærleiken av kyrkja, som gjerne kan inkludera den gamle kyrkjegardsmuren. Eitt av hans varemerke er at bygga han teiknar harmonerer med naturen og miljøa dei er ein del av. Hans tanke her er å ta delar av ein av parkeringsplassane og reisa eit bygg i nærleiken av kyrkja.

Bygget kan bli både moderne og tradisjonelt på same tid. Tanken vil då vera eit bygg på opp under 250 kvm, med plass til ein forsamlingssal med plass til 100 – 120 personar, eit godt storkjøkken, eitt kontor (vi ser ikkje for oss at kyrkjekontoret skal vera her), lagerrom med plass til dei brannsikre safane våre, osv. Eit slikt bygg vil grensa inn til middelalderkyrkjegarden ved kyrkja, som er freda. Bispedømekontoret meiner det er mogeleg å realisera eit slikt prosjekt, men at det heile tida må skje i tett samarbeid med Riksantikvaren.

Ein forsamlingssal kan brukast til ulike tilstelningar, undervisning, konsertar, til og med nøytralt sermonirom – både for gravferder og vigslar.

Innhaldet i eit skisseprosjekt:

Arkitekten har i ein epost 11.september lista opp følgjande element på kva som er innhaldet i eit skisseprosjekt:

- Romoversyn med innhaldsbehov meldt inn av oppdragsgjevar.
 - Digital presentasjon.
 - Prospekt og hageplan 1:500
 - Planteikningar
 - Ein tredimensjonal modell med vekt på formen på bygget (ikkje vindauger). Lekkje til modellen kan opnast elektronisk.
 - Prospektheft med meir detaljar på bruken av materiale også sett i forhold til det omkringliggjande landskapet.
- Skissa vert levert med opphavsrett for arkitektfirmaet og elementa i denne presentasjonen kan ikkje brukast av andre.

Soknerådsleiar og kyrkjevevja har vore i møte med ordførar, plan/bygningssjef og økonomisjef, vedk planane for eit separat nybygg og finansiering av skisseprosjektet. Det synes vera liten tvil om at kommuneleiinga har synt seg positive til å få eit slikt pionerprosjekt realistert. Leiinga ser på verdien av eit bygg som kan bli eit landemerke og eit signalbygg, som kan representera det som er unikt med Austrheim. I møtet med kommunen vart det rådd til at ein frå administrasjonen si side sender ein søknad til formannskapet der ein går inn for å dekkja om lag halvparten av kostnadane til eit slikt

skisseprosjekt. Midlane kan enten dekkast inn over drifta i 2018 eller leggjast inn i 2019 budsjettet. Kyrkjeverja sitt innspel i denne saka er at soknet har rom for å forskottera heile dette beløpet, men at vi ikkje har økonomi til å ta på oss heile denne kostnaden. Det er ikkje snakk om realisering av eit slikt bygg før tidlegast i 2022/24. Det er planen å arbeida aktivt med å få økonomien på plass for eit slikt bygg.

Det er sannsynleg at ein vil kunna få langt meir igjen for pengane som vert brukt med eit frittståande nybygg, enn å skulla byggja ut kyrkja. Med eit frittståande bygg, som gjerne kan koplast saman med kyrkja, kan ein oppnå romløysingar som er tilpassa dei behova ein har.

Mvh



Leif Arne Økland
Kyrkjeverge

sign

Helge Dyrkolbotn
Leiar i Austrheim Sokneråd